



Արմեն Եսայանց

Արվեստագիտության թեկնածու
Ցուցադրությունների գծով տնօրեն
Գաֆեաճեան արվեստի կենտրոն

Գաֆեաճեան արվեստի կենտրոնի «ՎԱՂԸ» ցուցադրությունը ներկայացնում է տասնյոթ հայ ժամանակակից արվեստագետի: Խըմբային նախագծերը ոչ միայն բազմաթիվ հեղինակների անդրադառնալու հնարավորություն են ընձեռում, այլև թույլ են տալիս առավել ընդգրկուն բացահայտելու առանձին թեմաներ, ժանրեր կամ շերտեր: Գաֆեաճեան արվեստի կենտրոնն իրականացնում է արդեն 3-րդ նմանատիպ ցուցահանդեսը: Այդուհանդերձ, ի տարբերություն մինչ այդ կայացած «Վերաիմաստավորելով բնությունը» և «11. հայ ժամանակակից արտակտ արվեստի ընտրանի» ցուցադրությունների, «ՎԱՂԸ» նախագծի դիսպոզիցիան շատ ավելի ընդարձակ է, քանի որ կենտրոնացած է ոչ թե մեկ թեմայի, այլ՝ Հայաստանի ներկայիս ակտուալ, ժամանակակից վիզուալ արվեստի ընդհանուր դաշտի վրա:

Ինչ է կատարվում այսօր Հայաստանում ժամանակակից կերպարվեստի հետ և ինչ ակնկալել վաղը: Որքանով է այն արձագանքում այսօր աշխարհում առկա արվեստի միտումներին՝ թեմաների, ոճերի, տեխնիկաների ու մեդիաների առումով: Այս և մի շարք այլ հարցերի, բնական է, դժվար է պատասխանել մեկ ցուցադրության միջոցով, սակայն հնարավոր է ներկայացնել այսօր երկրում գոյություն ունեցող վիզուալ արվեստի դաշտի որոշակի կետեր, որ առնչվում են այդ հարցադրումներին և որոնք հանրային լայն շրջանակների ուշադրությունից դուրս են:

«Արծիվ» և «Սասունցի Դավիթ» պարտեզի սրահներում ցուցադրված տասնյոթ արվեստագետները մեծամասամբ երկչափ ստեղծագործությունների հեղինակներ են, որոնք աշխատում են հիմնականում ավանդական տեխնիկաներով և նյութերով, սակայն թեմաների և մոտեցումների առումով բավականին ակտուալ ու արդի են, իսկ երբեմն՝ նորարար: Հայաստանում պատմականորեն գեղանկարչությունը, պատկերային արվեստն ընդհանրապես, եղել է ամենակայացած և տարածված ուղղությունը, և այս ցուցահանդեսը լավմուսի թղթի նման նաև բացահայտում է, որ այսօր այդ ավանդույթը շարունակվում է: Այս փաստը խոսում է Հայաստանի ժամանակակից արվեստի դաշտի որոշակի բացերի մասին, ինչն ունի իր օբյեկտիվ պատճառները:

«ՎԱՂԸ» ցուցադրությանը ներկայացված արվեստագետներն անկախության սերնդից են: Սա պայմանավորված է ոչ այնքան մաս-

նակից նկարիչներից մեծ մասի՝ անցած դարի 90-ականներին ծնված լինելու հանգամանքով, այլ այն պարզ տրամաբանությամբ, որ նրանք բոլորը գեղարվեստական կրթություն են ստացել, կայացել կամ կայանում են որպես արվեստագետ արդեն հետխորհրդային իրականությունում՝ Հայաստանի Հանրապետությունում: Այս առումով հետաքրքրական է հետևել՝ ինչպիսի ընդհանուր թեմաներ, արվեստային մոտեցումներ ու ոճեր են երբեմն տարանջատում կամ, ընդհակառակը, միավորում առաջին հայացքից միմյանցից բավականին հեռու գտնվող մի շարք ստեղծագործողների: Կիրառված տեխնիկաների ու նյութերի առումով էլ շրջանակը բավականին լայն է. կտավ-յուղաներկից մինչև տպագրական գրաֆիկա, լուսանկարչություն, կոլաժ, ասեղնագործություն, խճանակար ու ռեզի-մեյդ:

Երկու սրահներում առկա վաթսուներից ավելի աշխատանքներում էլ կարելի է նկատել, որ անկախ տեխնիկայից, կենտրոնական թեմաների մեջ առանձնանում են կենցաղային-առօրեականի, ընտանեկան-անձնականի նարատիվը, դասական արվեստային կամ պատմամշակութային ժառանգության հետարդիական վերաիմաստավորումը, պոպ-արտի և կոնցեպտուալիզմի լրկալ մեկնաբանությունը, վերացական արվեստի ու դասական բնանկարի նոր դրսևորումները, արվեստագետի ինքնահայեցողությունը, նոր գեղագիտությունը թե՛ կտավի ու թղթի վրա, և թե՛ քանդակի մեջ:



Հետևելով իր առաքելությանը հայկական մշակույթի լավագույնը ներկայացնելու առումով՝ «ՎԱՂԸ» ցուցադրության միջոցով կենտրոնը փորձում է ուրվագծել, թե ինչ ուղղությամբ է շարժվում հայ ակտուալ ժամանակակից կերպարվեստն այսօր, և ինչ կարելի է սպասել ապագայում: Այս ցուցահանդեսին ներկայացված արվեստագետները չեն բացահայտում Հայաստանի ժամանակակից արվեստի ամոռջ դաշտը, բնական է. ըստ այդմ, ցուցադրությունը կարող էր նաև այլ բովանդակությամբ կայանալ: Գաֆեաճեան արվեստի կենտրոնում առաջին անգամ ներկայացված հեղինակները ստեղծում են մի հարթակ, որտեղ շարունակական անհատական և խմբային նախագծերի միջոցով առաջիկայում երևան կգան հայ ժամանակակից արվեստի տարբեր շերտեր՝ ինչպես այս, այնպես էլ այլ արվեստագետների հետ համագործակցելու շնորհիվ:


Մերի Բադալյան
Mary Badalian



Գայանե Բարխուդարյան
Gayane Barkhudaryan







Կիմա Գյարաքյան
Kima Gyarakyan






Նարեկ Հակոբյան
Narek Hakobyan



Աննա Կրճացյան
Anna Krtshatsyan



Արմեն Հակոբջանյան
Armen Hakobjanyan



